

卜辭地名與古人居丘說

卜辭地名所見近千，其字常不易識，蓋因古代大小地名如許之多，為避其重複，便於區別，不能不畧取偏僻之字以名之也。其可識之地約逾五百，則多以單字為名，其所以命名之義，有可推測而知之者。如來、麥、米、禾、藉、帛、系、桑、蜀，或即農桑之區也。孟、缶、簋、鼓、爵、戈、矛、函，或即工業之區也。龍、象、虎、馬、羌、犬、鷄、醜，或即畜牧之區也。林、麋、彘、杞、杻、析、柏、柳、栗、泉、棍、徐，或即林木之區也。果、圃，或即園圃之區也。貝、龜，或即水產之區也。萬、雀，或即蟲鳥之區也。高、丘、陸、陴，或就地勢而名之也。河、汭、泚、沃、洛、泗、洹、淮、淡、流、涇、淥、潢、滴、滂、潦、瀟、瀟、灤、澗、滎、或就水道而名之也。

有於此種地名之上，加一二區別字，而成二三字之地名者，或言某方，如人方、土方、井方、孟方、羌方、虎方、馬方、龍方、羞方、巨方、鳳方、旁方、二丰方、三丰方、四丰方之類，無幾數十百見。方者國也。周稱國，殷稱方也。或稱某邑，如大邑、大邑商、天邑商、西邑柳邑。據說文，邑亦國也。或稱某隸，如八隸、召隸、受隸、林隸、沮隸、漆隸、齊隸、霍隸之類，亦有數十名。或稱某丘，如汭

魚麗魚北奠魚等。鯀與魚皆即後世之次字。廣雅釋詁次舍也。穀梁傳莊公三年次止也。易旅旅即次。書秦誓戊午王次于河朔。蓋王所舍止之地。乃稱某次也。或稱某門如南門乙門三門去門宗門寤門者宮廟之稱他辭或言祖丁門可證。或稱某彝如雀彝冥彝穀彝等。彝祭名。此諸地名者皆當與祭事有關也。或稱東某如東凡東洹東泚東迨東對東克東冒東車之類。或稱南某如南奠南正南獄之類。或稱西某如西大西泚西對西泚之類。或稱北某如北泚北羌北奠北工北巫北丕之類。或稱中某如中商。或稱某苗如東苗南苗西苗牧苗宮羊苗苗即鄙邊邑也。或言上某如上魯上絲。或言下某如下下人棘。此諸地名加東南西北中苗上下者所以指其方位而言也。

此外有由其命名可以看出一種意義者。或言某山如羌山主山膚山麟山之類是也。或言某泉如洹泉麥泉奉泉之類是也。泉者往往源出於山如洹水之源即在殷西南今善應小南海之山中。或言某麓如東麓北麓中麓。匡麓麥麓殺麓栢麓圓麓余麓勾麓等。麓者山足之有森林者也。說文林屬於山為麓。穀梁傳僖公十四年同周禮地官及禮記王制皆云林麓鄭曰山木生平地曰林。生山足曰麓。詩大雅旱麓毛傳麓山足也。

或言某鹿如南鹿敝鹿者麓之借字易屯即鹿無虞虞翻曰山足稱鹿  
鹿林也漢志鉅鹿郡應劭曰鹿林之大者也或言某京如北京主京弘京  
義京隕京宮京殿京馭京京者高丘也說文京人所為絕高丘也爾雅釋  
邱絕高謂之京詩邠定之方中毛傳京高丘也又大雅皇矣毛傳京大阜  
也或言某台如京台靈台疑台或言台某如自東台北台受台隻台察台  
匡台貯台巽台喜台途台鬲台火台覃台般台零台析台滴台者亦丘阜  
墩堆之義說文台小阜也廣雅台細阜也徐鉉曰台俗作堆經籍又或作  
追儀禮士冠禮毋追鄭注追猶堆也或作魁國語周語夫高山而湯以為  
魁陵奠土賈逵韋昭皆曰小阜曰魁或作確史記河渠書鑿離確益州記  
引作離邱或作款爾雅釋邱邱一成爲敦邱俗又以墩字當之或作隊左  
傳襄公十年以成一隊又文公十六年又爲二隊或作屯莊子至樂生于  
陵屯釋文引司馬注屯阜也皆丘阜之義也或言丘某如丘雷丘者說文  
云土之高非人所為也或言某阜如宜阜窮阜昂阜說文阜大陸山無石  
者廣雅無石曰阜釋名土山曰阜詩小雅天保如山如阜毛傳高平曰陸  
大陸曰阜或言某土如東土南土西土北土亳土菑土唐土豳土秦土余疑土  
之義亦同於京阜丘虛卜辭常見土方之名其位置在殷之西北三土方

者猶言山地高地之國也。卜辭屢貞東土、南土、西土、北土之受年，蓋謂東南西北四方之高地受年不受年也。亳、唐、豳皆地名。亳土、唐土、豳土，豳土猶言亳丘、唐丘、豳丘，或亳虛、唐虛、豳虛也。武丁時卜辭曰：貞非作大邑于唐土。言於唐丘或唐虛作大邑也。又曰：乙丑卜，殷貞曰：舌方其至于豳土。言舌方其至于豳丘或豳虛也。卜辭別有祭土者，七。余疑土即商土之省稱。商土猶言商丘，即周人所稱之殷虛。今安陽小屯之地，因其地為殷人之國都，故祭之也。亦祭亳土。亳者，殷人始建國之都也。又求年於豳土。元是於商土、亳土之外，又以豳土為祈年之所焉。凡此皆即後世社稷之濫觴。詩大雅乃豳土，傳云豳土大社也。商頌宅殷土，茫茫史記三代世表引作殷社茫茫。公羊傳僖公三十一年，諸侯祭土，何注土謂社也。是古固有以土為社者矣。然後世凡社必為壇壝。周禮地官封人掌詔王之社壝，為畿而樹之。又曰：凡封國設其社稷之壝，封其四疆。白虎通天子之社壇方五丈，諸侯半之。蓋土與社本有丘虛之義也。或言單，如南單、北單，單即壇說文。單，野土也。蟬亦作壇。詩鄭風東門之蟬，釋文正義本作壇。說文壇祭場也。禮記祭法注：封土曰壇。漢書高帝紀注：築土而高曰壇。卜辭西單、北單、原辭殘缺，南單與楚及三門並舉。知當為南方之

高地也。然則凡此言山泉麓鹿京丘阜土單者，皆有京丘壇阜之義。則古人之建邑聚居，必選高亢之地可知也。

或問此於經籍有徵乎？曰：有之。經籍中此種丘居之線索固甚明也。周禮夏官遂師掌四方之地名，辨其丘陵墳衍遷隰之名物，之可以封邑者，是古之封邑必擇丘陵之地。墨子辭過古之民未知為宮室時，就陵阜而居。淮南子本經積壤而丘處。孟子盡心得乎丘民為天子。莊子則陽何謂丘里之言曰：丘里者，合十姓百名而以為風俗也。周禮地官司徒四井為邑，四邑為丘。凡此言古之民就陵阜而居，言丘處，言丘民，丘里，言邑丘，皆古丘居之證。

考古籍地名之作丘京虛陵之類者，近二百。二與卜辭地名之作山泉麓鹿京阜丘土單者，至相合。或稱封於某虛，如史記周本紀封帝堯之後於薊，正義引水經注薊則西北隅有薊丘，因取名焉。又言封帝舜之後於陳，左傳昭公十七年陳大皞之虛也。又言封大禹之後於杞，括地志雍丘古杞國。又魯世家言武王封周公旦於少昊之虛。二又衛世家言周公以殷餘民封康叔為衛君，居河淇間，故商虛。又吳世家言封虞仲於周之北，故夏虛。又齊世家言封師尚父於齊營丘。又滑稽傳言莊王召

孫叔敖子封之寢丘。左傳閔公二年言封衛於楚丘。毛詩序衛國有狄人之敗出處於漕。齊桓公救而封之。邨風升彼虛矣。傳虛漕虛也。水經相水注有鼻墟象所封也。通志畧言周宣王支子食采謝丘。齊公侯食采余丘。楚文王度子食采軒丘之類是也。或稱城于某丘。如言城祝丘。一城楚丘。二城。中丘。三城。丘皇。四城。緣陵。五城。邢丘。六城。頓丘。七城。及史記春申君傳言城故吳墟以自為都邑。讀史方輿紀要言莊周常為漆園吏。其城亦名漆丘之類是也。此外或稱都於某丘。或稱遷於某丘。或稱邑於某丘。或稱居於某丘。皆甚多見。又凡禱祀盟會過次奔逃焚田死葬……之事無不有於某丘。某虛者焉。又或稱攻某丘。伐某丘。掠取某丘。蓋所謂某丘某虛者。又常為戰畧必爭之地也。

又如古史傳說其帝王之名號與事蹟亦多與丘陵有關。如大昊少昊之昊其本義為高高陽高辛皆以高名。四岳以岳名。說文垚土高也。堯高也。爾雅山多小石曰礧。礧堯也。又曰山多大石曰礧。礧即帝嚳之嚳也。堯帝又名厲山氏。烈山氏。麗山氏。連山氏。后土得名於土。即社。陶唐得名於陶丘。說文陶再成丘也。大昊葬宛丘。少昊都曲阜。高陽都帝丘。高辛葬狄山。顓頊北至幽陵。黃帝

生壽丘二九居軒轅之丘都涿鹿東登丸山西登鷄頭南登熊湘合符於  
釜山葬於橋山三〇堯生於丹陵三一居於陶丘三二葬崑山之陰三三  
或曰狄山之陽三四舜生於姚墟三五耕於歷山作什器於壽丘三六暇  
於頓丘三七都於蒲坂三八流共工於幽陵遷三苗於三危放驩兜於崇  
山殛鯀於羽山葬於九疑之山三九禹避舜之子於陽城益讓禹子啟避  
居箕山四〇禹有塗山之會四一啟有釣臺之享四二則幾乎生興都葬  
以及有所舉作無不於山陵為之四三

古帝王又多以氏名考之先秦載籍自姪人有巢伏羲神農炎帝黃  
帝少昊顓頊帝嚳之外見於左傳者有帝鴻氏縉雲氏四四共工氏四五  
大庭氏四六御龍氏承韋氏四七泰龍氏烈山氏四八見於國語者有螭  
氏方雷氏彤魚氏四九見於小戴記者有伊耆氏五〇女媧氏五一見於  
大戴記者有西陵氏蜀山氏滕隍氏竭水氏鬼方氏有郤氏有城氏五二  
見於管子者有無懷氏五三見於莊子者有豨韋氏五四有焱氏泰氏五五  
五凡蓬氏五六冉相氏五七客成氏大庭氏伯皇氏中央氏栗陸氏驪畜  
氏赫胥氏尊盧氏祝融氏五八見於列子者有華胥氏五九見於商君書  
者有吳英氏六〇見於呂氏春秋者有朱襄氏葛天氏陰康氏六一史皇

氏云。凡他山海經及緯書等所稱述者不可勝紀。至宋羅泌作路史其循蜚因提禪通諸紀列氏凡逾五十。史記正義引韓詩外傳曰孔子升泰山觀易姓之王可得而數者七十餘氏不可得而數者萬數則古代氏名之多可以想見。云云氏者何說文巴蜀名山岸脅之旁著欲落墜者曰氏其說迂曲當非剗義考甲骨金文氏作𠂔從土從人人據土為氏也左傳隱公八年曰天子建德因生以賜姓胙之土而命之氏古孝經緯曰古之所謂氏者氏即國也此皆氏字古義古之氏從土得名無土則無氏也云云土者即社也即丘也蓋古之部落必據有丘陵高土乃得稱為氏也

又古代地理有三州云云六州云云九州云云大九州云云十二州云云之名說文水中可居者曰州又曰昔堯遭洪水民居水中高土故曰九州則州者蓋亦丘陵之義也

夫古代地理多以州名古籍地名多用丘阜古代帝王必據丘虛乃得稱氏其生興都葬以及有所舉作又無不於丘陵為之則古代人民之營丘居生活明矣

蓋古代黃河流域氣候暖暑土地潮濕此由雨量物產及古代川流湖澤之多可證云云詩魏風彼汾沮洳書序祖乙徙耿水泉瀉鹵山川膏



北馬左傳昭公三年齊景公欲更晏子之宅曰子之宅漱溢不可以居請更諸爽壇者漢書地理志言太公之封齊地負海鳥鹵少五穀山西山東今皆高亢爽壇之區古之氣候尚且如此則其他可知墨子辭過言下潤濕傷民故聖王作為宮室亦古人丘居之一因也

又中國古史上有一盛大之洪水傳說凡經燧人王二顓頊王三堯王三舜王四數代治水者有女媧王五共工王六鯀王七禹王八諸人迄於今王九吾人已皆知其當由黃河之氾濫演化而來則古代民族之丘居又必與此種水患有關故說文曰昔堯遭洪水民居水中高土故曰九州淮南子本經訓曰舜之時共工振滔洪水以薄空桑民皆上丘陵赴樹木齊俗訓曰禹之時天下大雨禹令民聚土積薪擇丘陵而處之又曰故江河決流一鄉父子兄弟相遺而走爭升丘陵阪上高丘或言振滔洪水或言天下大雨或言江河決流可為洪水即是河決之證然其避患之策皆為升於丘陵則古人之丘居必因水患又可知矣

然則此於卜辭亦有徵乎曰有之卜辭屢貞洄災如言

- 貞洄其乍作茲邑因
- 貞洄弗乍茲邑

上詳地名與古人丘居說

五

此武丁時所卜。茲邑者商邑也。商邑在洹之南岸。此貞洹水之是否作禍於商邑也。

辛卯卜大貞洹弘弗辜邑。七月。頁二九三

此祖庚祖甲時所卜。辜讀如戮。捷代之義。邑亦謂商邑。此貞七月洹水汎濫。是否大戮於商邑也。洹水之患。至於作禍於殷都。大戮於商邑。則其汎水之厲可知。

洹佳出有。

勿佳洹佳出。殷地四〇

洹佳出。續五三〇九

此武丁時所卜。

東洹弗。詳一〇六一

此廩辛康丁時所卜。其下文雖畧殘缺。然以上文之義觀之。亦必貞洹水之為患也。

又屢貞大水之災。如。

貞其出有大水。頁下三〇

寅卜。翼已卯其水。前四一六七

☐ 則其來水 ☐ 前四一三五

絃 ☐ 水。虛一六七二

辛酉卜，御靈水于 ☐ 鐵九九四

辛酉，御水于土，得宰。鐵一四三 珠八三五

☐ 戌卜，圓水弗 ☐ 禾。庫四七

此武丁時所卜。

丁丑 ☐ 出，貞其出大水。☐ 月。甲。三。八。二。四

此祖庚祖甲時所卜。

戊辰卜，貞水。甲。二。四。九。二

此康辛康丁時所卜。

辛巳卜，告水入于上甲兄大乙，一牛王受人，若梓一四〇

其水。

不水。續行二六七

此武丁時所卜。

癸丑卜，貞今歲亡大水。一

其又有大水。二。金。三。七。七

此帝乙帝辛時所卜。或貞水。或貞其水不水。或貞其來水。或貞有大水。亡大水。或貞水弗它禾。或貞祭水于社。或貞告水入於上甲大乙。可知殷王對於水災之重視。

卜辭又或言茲雨佳禍。

茲雨佳因。釋七九也

貞茲雨不佳因。續四一八也

貞茲雨不佳因。續二六也

此武丁時所卜。因即禍。或言茲雨佳孽。

貞茲雨佳孽。龜一三五一亦

此亦武丁時所卜。辭即孽。或言茲雨氏傲。

茲雨氏傲。釋七五五

此亦武丁時所卜。氏之義為致。為絮。傲字見廣韻。曰士咸切。音饒。烏傲食也。他辭或言降傲。六二或言帝降傲。帝不降傲。六三蓋亦一災害之字。或言茲雨非因。

甲子卜。出貞茲雨非因。微天三八

此祖庚祖甲時所卜。非字從北。亦一災害字。非因猶言有災禍也。武丁時

卜辭又曰：

□雨帝異。□降咎邑田。庫一三四

此言因天雨而演為水患，將降禍於商邑也。

故卜辭又屢見寧雨之祭，如：

癸酉卜，貞寧雨于岳，虫。前五二八四

此武丁時所卜。

己未卜，寧雨于土。莊一七二七

丁丑，貞其寧雨于方。辭一五四四

□酒奉不雨。後二一五

此武乙文丁時所卜，或來不雨，或寧雨于岳社及方。說文：寧，定息也。寧，即寧。周禮：小祝，言寧風雨。春秋：繁露有止雨篇。蓋恐其天降大雨，山洪暴發，演為洪水之患，乃始有寧雨之祭也。

然則殷代，碣常有大水及洹河氾濫之患，其人民不能不營為崗阜，或擇丘陵而居，故卜辭乃多有山泉麓鹿京名阜丘土單等類之地名也。

宋王謙唐語林記當時湯陰縣北有古城，周圍可三百步，其中平實。此外凡方此東頓邱臨黃諸縣，多有古小城，周一里，或二百步，其中皆實。此外凡方

志所載古城古寨及所謂某某寨某某堡者，將不可勝計焉。民國二十三年秋，余在中央研究院，從梁思永先生考古於安陽殷虛，得暇即偕三二同事，溯洹濱考察，見洹水兩岸有所謂寨者甚多，畧呈圓形，圍約數十丈，高地面一二丈許，以土垣繞之，而留一寨門，其中常有一小廟，餘則變為農田，其文化堆積多古，據吾人所知，安陽縣界有所謂同樂寨者，余既與梁思永先生及石若璋如發掘之矣。凡包含有小屯龍山仰韶三層文化。八三又有所謂永安寨豐安寨及夏寒寨者，雖未發掘，亦經詳察，其文化至少亦有小屯龍山兩期。八四又如山東龍山銀之城子崖，八五河南濬縣之大賚店，八六其史前遺址亦皆位於城寨之上。倘以吾人所言古代丘居之不信，則此類古城古寨可為實據之證明矣。

### 附註

二本文所引卜辭地名，均詳余殷代地理考征代考田獵考諸文，因數量過多，不能盡舉。其出處，在拙文未出版之前，請參看曾毅公甲冑地名通檢，雖不備，其所差不多。以下並同。

三甲二七六九 詳拙著殷代官制考一文。  
三詳拙著殷代征伐考一文。

四詳拙著殷代農書考一文。

五金六一

晉侯二一 又前七三六二同文

毛鐵二一六一 鐵二三六四 前五二六 粹一七 粹一八 粹一九 粹二三

鐵一四二 鐵一二 契二三二 拾一 微帝四 鐵一 續一四五 前

一二四三 契五九二

不侯九二八 粹二〇 粹二一 粹二二 甲一六四〇

九前四一七三 微歲一七 微歲一八

二〇粹七三

二一春鄭達原丘虛通微刊北京大學治史雜志第二期。

二二又見左傳定公四年 二五春秋經公五年

二四春秋傳公二年 二七春秋傳公七年

二六左傳昭公二十五年 二七春秋傳公十四年

二八今本竹書紀年周顯王元年 二九今本竹書紀年晉定公三十一年

三〇禮記祭法 三一左傳昭公二十九年

三一路史 三二帝王世紀

三四文獻通考 三五左傳定公四年

三五左傳昭公十七年疏 三六水經注

三六左傳昭公十七年疏 三九帝王世紀

三六史記五帝本紀 三七帝王世紀

三六史記五帝本紀 三三水經注

三六說文 三三水經注

三四山海經

三五史記五帝本紀

三六通鑑外紀通志

四〇史記夏本紀

四二左傳昭公四年

四三章炳麟太炎文錄有神權時代天子居山說一文與此可以互證

四四文公十八年

四六昭公十八年

四八昭公二十九年

五〇鄭特牲

五二帝繫

五四大宗師

五六人間世

五八胙篚

六〇畫象篇

六二勿躬

六四參看劉師培氏族原始論刊國粹學報第四期轉載繆鳳林氏中國通史綱要第

一冊

六五逸周書大匡篇

六七尚書禹貢楚辭天問齊侯鐘

六九尚書舜典

三五帝王世紀

三七尚書大傳

三九史記五帝本紀

四二左傳哀公七年 史記外戚世家

四五昭公十七年

四七昭公二十四年

四九晉語

五一明堂位

五三封禪

五五應帝王

五七則陽

五九黃帝篇

六一古樂

六三以上略本繆鳳林氏中國通史綱要

六五逸周書程典篇

六八淮南子地形訓

論衡



七〇看蒙文通先生中國古代北方氣候考略刊史學雜誌二卷三四期又轉載修鳳  
林中國通史綱要第一冊。拙著楚民族源於東方考刊北京大學史學論叢第

一冊

七一尸子

七二淮南子天文訓

七三尚書克典 皋陶謨 孟子

七四淮南子本經訓

七五淮南子覽異訓

七五國語周語

七六尚書克典 國語魯語 山海經

七六尚書尚貢 孟子

七九余看顧頡剛先生古史辨第一冊及陸懋德先生中國上古史

八〇看王國維不娶收益銘考 又郭沫若卜辭通纂考釋第十一片

八一龜一二二三 八二續五二一 八三續五二一

八三看中央研究院二十三年年度總報告 八四同上八三註

八五看李濟先生等城子崖報告董作賓先生諱諱刊中央研究院史語所集刊四本

二分

八六看劉耀河南濬縣人費店史前遺址刊田野考古報告第一冊又河南古蹟研究

會第二次展覽會展品說明

卜辭也召與古人書五元